

موسوعة الضحك

الضحكة الراقية ج3



جميع الحقوق محفوظة

الطبعة الأولى : يوليو 2011م

العنوان : 277 عمارات امتداد رمسيس 2 طريق النصر

هاتف وفاكس : 22629499_22629606 (00202)

الموقع الإلكتروني

www.darelloom.com

البريد الإلكتروني

daralloom@hotmail.com

فهرسة أثناء النشر

عيد، إبراهيم مرزوق .

الضحكة الراقية ج3/ تأليف إبراهيم مرزوق عيد . ط1 . (القاهرة): دار

العلوم للنشر والتوزيع ، 2011 .

80 صفحة ، 0.63 سم

الرقيم الدولي : 3-306-380-977-978 .

1 . كوميديا . أ . العنوان

التاريخ : 11 / 7 / 2011

رقم الإيداع : 13242 / 2011

موسوعة الضحك

الضحكة الراقية ج 3

§ نكت سريعة §
§ إعلانات فكاهية §
§ فوازير ضاحكة §
§ مواقف ونوادير §
§ أزجال باسمية §
§ مقارنات خفيفة الظل §
§ ضحكات بلا حدود §

إعداد

إبراهيم مرزوق

دار
النشر والتوزيع

يوليو 2011

"المقدمة"

v كما أن الطعام غذاء المعدة . . والقراءة غذاء العقل . . فإن الضحك غذاء الروح . .

فيقولون : (أضحك تضحك لك الدنيا . . أبكي تبكي وحدك) . .
ويقولون أيضاً : (ساعة الحظ لا تعوض) . .

لذلك ترى هؤلاء الذي وهبهم الله روحاً مريحة ونفس مشرقة مقبلة على الحياة هم زينة كل مجلس وفي الصدارة من كل مجتمع من الناس . .

ولإيماننا الشديد بفائدة الضحك في حياتنا فكّرنا في هذا الكتاب لنقدم فيه باقة متنوعة من الضحكات ليكون بمثابة موسوعة مصغرة لعالم الإضحاك . . والذي يتناول مشاكلنا وحياتنا الاجتماعية والاقتصادية والسياسية بأسلوب مرح . . لنقدم المواقف الطريفة التي ترسم الابتسامة على كل شفاه . . فالابتسامة تستطيع أن تحقق المستحيل . .

والله الموفق

إبراهيم مرزوق

"دعاء مدرس المواد الاجتماعية"

§ اللهم أرزقني أنهاراً من الخير . . وجبالاً من الحسنات . . وثبت أقدامي
في مهب الرياح . . وعند تغير المناخ . . وهب لي خريطة الهداية . .
وأجعل تاريخي مشرقاً . .

"نكت في السريع"

§ غبي اشترى موبایل ركب له جهاز إظهار رقم الطالب!
§ الزوجة : ماما عندها حالة تسمم . . الزوج : لازم عضت لسانها . .
§ سواق تاكسي دخل ينام . . مراته قفلت عليه الباب . . نادى عليها
وقالها افتحي الباب وأقفلية تاني!
§ عربية كحيانة صاحبها سابها جنب بيت مهجور يمكن تبقى شبح!
§ مرة واحد ضاق خلقه أداه لآخوه الصغير!
§ غبي قال لأبوه عاوز موبایل . . قاله موافق بس تتركب أخواتك معاك!
§ الزوجة : لازم تطرد السواق ده كان هايوتني مرتين .
§ الزوج : خلينا ندية فرصة تالته .
§ ولد قال لأبوه الغبي رخصة السواقة خلصت . . قاله من لفك طول
النهار في الشوارع .
§ كسلان ابنه بيغرق ويقول . . الحقني يا بابا . . قاله روح يا بني أنت
شهيد!

- § نذل اتصل على " نجوم إف . إم " وطلب أغنية " بابا فين " وأهداها لكل أيتام العالم .
- § واحد بيتخاف مع مراته قال لها : لما أطلع من تحت السرير هاوريكي . . قالت له : هاتورين إيه ؟! قالها : هاوريكي الدم اللي نازل من رأسي !!
- § مسطول راح للدكتور حط السماعة على صدره وقاله خد نفس . . رد المسطول وقاله : ولع أنت الأول .
- § واد غبي راح يخطب . . أهل البيت قالوا له : البنت لسه في المدرسة . . قاللهم أجي بالليل يعني !!
- § سواق تاكسي قعدت جنبه بنت حلوة . . قال لها : تعرفي تسوقي؟ قالت : لأ . . قال لها : أنا تسوقي !!
- § باشا دار عليه الزمن واشتغل بيع خضار . . مشي في الشارع بالطربوش يقول : فجل يا حوش . . جرجير يا كلاب!
- § واحد راح يشتري بيتزا صاحب المطعم قاله : تحب أقطع لك البيتزا 4 قطع ولا 8 . . قاله : ياريت 8 عشان جعان قوي !!
- § اتنين مساطيل راحو يعزوا . . سألوا أهل الميت : هو مات ليه؟ قالوا لهم : رصاصة جات في رأسه . . قالوا كويس ماجتش في عينه !!
- § اقرع حب واحدة ما عرفش يعبر لها عن " شعوره " .
- § غبي شاف واحدة لابسه جزمة بيضة . . حب يعاكسها قال لها : نهارك زي الجزمة!
- § بنت رجعت البيت متأخرة . . أمها سألتها : أتأخرت ليه؟ . . قالت

البنت : أصل كان فيه واحد بيعاكسني . . قالت أمها : طب وده يأخرك

ليه؟ رد البنت : اصله كان ماشي على مهلة!

§ اتنين راحوا مشوار مع بعض . . بس بعض سابهم ورجع لوحده .

§ ثلاثة خرفان . . الأول قال : ماء . . الثاني قال : شاي . . الثالث قال :

نيسكافية!!

§ الشحات : أديني حاجة لله يا بيه . . البيه : عمرك أطول من عمري .

§ فرخة اتجوزت فيل جابوا تشيكن فيليه!

§ غبي غاوي مظاهر كتب على الحمار بتاعه "تويوتا" .

§ الصديقة : لما جوزك مفترى كده ما تخلعيه . . الزوجة : مقدرش . .

بطاقة التموين باسمه!

§ واحد بيعاقب ولاده ويقولهم : هو أنا طرطور يا عيال . . رد الأولاد

وقالوا : العفو يا بابا . . أنت على راسنا من فوق .

§ واحد راح مطعم سأل الجرسون : تحب أجيبلك عشا كامل؟ قال له : ليه

هو كامل مش هياكل!

§ أبو العربي ركب المركب قامت عليه موجة عالية راح مطلع المطوة

وقاله : بلاش أنت يا بحر!

§ اتنين حلاقين بيتفرجوا على ماتش . . المذيع يقول شاط بمشط رجله . .

حلوة في المقص . . الصبي قال : الحق يا أسطى يلعبوا بالعدة!

§ ندل وصى عياله وهو في الإنعاش يطلعوا إندل منه . . وهم طالعين

راحوا فصلين عنه جهاز الأوكسجين!

- § واحد متغاض من أمريكا قال : شوف أمريكا من غضب ربنا عليها خلاها هناك في آخر الدنيا لكن مصر يا دوب ساعتين بالبيعجو!
- § واحد بيقول لخطيبته لما أزمرك تنزلي علطول . . قالت : أنت جبت عربية . . قال لها : لأ، جبت زمارة!
- § غبي دخل محل حلويات وقال عندك جاتوه . . قال : آه . . قال : هات لي قفصين!
- § سألوا مسطول عن طير بحرف الكاف . . قالهم : كنتاكي!
- § واحد راح يسوي معاشه لقي الفرن قافل!
- § جاموسة جالها جفاف جابت لبن بودرة!
- § حمار اتحوز بطاطساية خلفوا بطاطس حمرة!
- § أحول سألوه بتحلم بإيه؟ قاللهم : نفسي أشوف واحد ماشي لوحده!
- § كسلان راح لحلاق قال له : دقن ولا شعر . . قال له شعر . . الحلاق قال له أرفع رأسك . . قال له : خلاص خليها دقن!!
- § ندل عينوه مدير لجمعية خيرية للمعاقين . . أول يوم عمل مسابقة لاختراق الحواجز .
- § فرعون ضرب ابنه عشان لقي معاه "مسلة بلاي بوي" .
- § مسطول حلق شنبه ودخل على أهله . . قال لهم : والله ما عرفتكم .
- § فرعون عزم حبيبته على النيل وطالب "آمون" ساقع .
- § كهربائي ابنه سخن ركب له فيوز جديد!

- § سواق ميكروباص راح يخلق . . الحلاق بيقوله : تخلق إزاي؟! قال له :
أي حته على جنب!!
- § حلاق راح سينما شاف فيلم "سوالف" الننيجا!
- § بلدياتنا فتح سوبر ماركت في الصحراء عشان ما بيعش لحد شكك .
- § بلدياتنا في الجيش بيقول لعسكري زميله في الحرب : أنت من دشنا؟ قال
له : لأ . . راح ضربه بالنار وقال له : تبقى من ديش العدو!!
- § واحد ميكانيكي دخل فرح نقط زيت .
- § مرة واحد راح السودان بالليل ملقاش حد .
- § واحد بيقول لخطيبته : أنا مش غني ولا عندي مرسيدس ويخت زي
محمود . . خطيبته قالت : وأنا كمان بجبك لكن أحكي لي اكثر عن
محمود .
- § موسيقار قعد على قهوة طلب واحد تشايفوسكيز
- § واحدة تخينة جوزها حب يحبسها قفل ضلفة واحدة من الباب .
- § بيسألوا صحفي : بتحب مين من المطربين؟ قاللهم : "محرر" فؤاد .
- § لاعب كرة خلف بنت ساماها "باكات" الصغيرة .
- § لاعب كرة بيحب هدومه من "أوفر" أفندي .
- § لاعب كرة قابل مراته خدها على صدره وشاطها .
- § واحد اتزنق في قرشين . . ما عرفش يخرج .
- § واحد منجد هاجر لكنبة .

- § سبر سجي سكن في ميت " عقبة " .
- § سبر سجي قال لأهل عروسته : إن معاه " بكالوريوس سيجارة " .
- § عربجي دخل مراته سينما " كارو " بالاس .
- § واحد كمسري ح يدخل ابنه الروضة . . وبعدين المنيل .
- § واحد بنجيل التجوز . . راح قضى شهر العسل لوحده
- § مرة واحد ابنه طلع من الأوائل شفروه .
- § مسئول كهرباء بيحتفل بعيد ميلاده الخمسين طفا النور في خمسين شارع .
- § ولد بيسأل أبوه يعني إيه كلمة يعاقل ؟ قاله : بعدين أقولك
- § واحد رخم راح السينما لقاه فاضية مفيهاش غير واحد بس راح قاعد وراه وقاله راسك كده شوية .
- § واحد بلدياتنا الباب قفل على إيده الباب أزرق .
- § بلدياتنا دخل الحمام لقي المساحة قال بابوي كل دى مكنة حلقة .
- § واحد بلدياتنا وقع في خلاط الأسمنت طلع منه قال يخرب بيت الملاهي .
- § واحد بلدياتنا في مسابقة من سيربح المليون اتصل بصديق وقال له : ألو محمدين معنا 30 ثانية رأيك أحذف اجابتين ولا استخدم الجمهور؟
- § ندل طب على بيت واحدة عجوزة ملقاش حاجة يسرقها بس لقي العجوزة بردانة راح الحرامي شغل التكييف .
- § واحد نزل بلد في الصعيد وسأل : هي دي البلد اللي بتطنق الجيم دال؟ ردوا عليه : لع . . دي البلد اللي دنبننا !!
- § واحد اشترى علبة كبريت فيها 50 عود وست كمنجات .

- § نقاش أبوه مات . . مشي ورا الجنازة يعيط وقال : آه " يابوويه " .
- § بلدياتنا نزل الترة . . البلهارسيا طلعت تحلل .
- § بلدياتنا حب يعمل إرهابي خطف ابنه . . ولما ماحدش سأل عليه قتله . .
- § واحد بلدياتنا ضرب عيارين في الهوا وقع قمر صناعي .
- § اتنين بلدياتنا بيلعبوا استغماية لقوا واحد منهم بعد 20 سنة .
- § بلدياتنا حب " يطخ " مشوار استخبي له في الدرة .
- § بلدياتنا شاف واحدة حلوة جز على سنانه خد 6 غرز .
- § بلدياتنا خلف 7 عيال سَمَّى نفسه سفن آب .
- § بلدياتنا بيلعب في مناخيره . . فتحهم على بعض .
- § بلدياتنا رايح حفلة . . كوي الشومة .
- § بلدياتنا حسه " انديح " عمل عليه ملوخية .
- § بلدياتنا نزل يتمشى جابوه من على الحدود .
- § بلدياتنا حب يوري للناس العين الحمرا . . حط في عينه شطة .
- § بلدياتنا بيلعب في مناخيره . . كوعه اتزنق .
- § أربعة بلدياتنا دخلوا قهوة طلبوا أربعة شطرنج .
- § بلدياتنا حب يرفع شنبه " رفعه " بالمسدس .
- § واحد سوداني تجوز واحدة سودانية خلفوا ولد اشقر وعينيه زرقا سموه رجل المستحيل .

- § سباك سايب رسالة على التليفون يقول أترك أسمك وعنوانك بعد سماع صوت السيْفون .
- § برميل يقول لبرميل : محدش بيشفوك ليه؟ قاله : هو حد فاضي!!
- § مدير مدرسة عمل فرح وزرع على المعازيم أرقام جلوس .
- § واحد دخل مطعم . . وطلب واحد مشوي . . وواحد عصير . . وواحد رز . . وواحد يدفع الحساب .
- § واحد بيعب يجري بس يجري مبيحبوش .
- § بلدياتنا مفتاح عربيته ضاع . . ميكانيكي جه فتحاله بطفاشة تاني يوم عمل نسخة من الطفاشة .
- § واحد بلدياتنا بيدهن الحيلة . . قالو له حط جرنال تحتك . . قالهم لأ أنا كده طایل كويس . .
- § بلدياتنا سافر بره خمس سنين متواصلة لما رجع القاهرة لقاهم بيحتفلوا بسبوع ابنه بقى ماشي فرحان قوي ويقول موجودين بنخلف مش موجودين برضة بنخلف .
- § بلدياتنا سافر أمريكا لقي الناس لابسين تي شيرتات مكتوب عليها بيسي وكوكاكولا لما رجع البلد كتب على التي شيرت بتاعه عصير جصب .
- § جماعة بلدياتنا بيمصّوا قصب . . بعد شوية بيدوروا على الشوم مالقوهوش!!

"شفقه"

- ليه دائماً بتفاصيل مع التريزى وبتشدد وياه فى التمن مع إنك مش ناوي تدفع له حاجة؟! .

- صحيح . . لكن أنا باعمل كده عشان المبلغ اللي يروح عليه ما يكونش كبير . . الواحد لازم يكون عنده شفقه!!

"دعاء مدرس الكيمياء"

§ اللهم أجعل تفاعلي مع الحياة تفاعلاً حسناً . . وهب لي عاملاً مساعداً في حياتي . . واجعلني عاملاً مختزلاً للحسنات . . ومؤكسداً للشر . . وتقبل نشاطي . .

"الصوت الغالب"

§ أراد إحدى محطات الإذاعة الأمريكية استفتاء المستمعين لمعرفة مدى إقبالهم على الاستماع إلى برامجها فاتصلت تليفونياً بنحو خمسة آلاف مستمع يمثلون مختلف الطبقات . . والقت على كل منهم السؤال التالي : ماذا تسمع الآن؟! وكانت إجابة 86 في المائة من المستمعين : اسمع صوت زوجتي!!

"ناصح"

§ قال الرجل لصديقه: وإزاي قدرت تخلي الست بتاعتك تعمل كل حاجة بنفسها بدون خدام أو خدامة؟! . . فرد عليه قائلاً: بطريقة بسيطة جداً. . إن جابت خدام اتهمها. . وأن جابت خدامة أشاغلها!!

"بس بسرعة!!"

هي: آلو. . اسمع من فضلك أصلي مستعجلة أوي وما عنديش وقت
عشان اللت والعجن. .

هو: أمرك يا مدام. .

هي: عايزه كيلو ونص كبده بس بسرعة على بيت حسن بيه. .

هو: ما عندناش كبده. .

هي: طب بلاش كبده. . ابتعت كيلو ونص من الفخدة وقطعها

شرايح واشويها. . ونص كيلو كفتة بس بسرعة. .

هو: ما فيش فخدة ولا كفتة. .

هي: الله جرى لكم إيه؟! طب ابعت لي اثنين كيلو من أي لحمة بسرعة

هو: ما عندناش لحمة خالص يا مدام. .

هي: إزاي الكلام ده. . هو ده مش محل خفاجة الكبابجي اللي بنأخذ

منه؟!

هو: لا يا مدام. .

هي: آمال ده محل إيه؟!
هو: ده محل حانوتي . .
هي: طب الحق بقى تعالى بسرعة زمان جوزي مات من الجوع . .

"من بعض ما عندكم"

هي: أنت نورّت البيت . . إيه النور ده كله؟!
هو: من بعض ما عندكم . .
هي: أنا سعيدة بمعرفتك . . إيه الأدب ده والظرف ده كله؟!
هو: من بعض ما عندكم . .
هي: لكن مالك (بتهوش) كثير كده؟!
هو: من بعض ما عندكم . .

"الراجل طب ساكت"

حوار دار بين رجل في سكرات الموت ومراته . .
الزوج: أنا سيبلك قرشين حلوين عايز تدلعي نفسك . .
الزوجة: متقولش كده أنت تعبان شوية وهتخف بتقول في سرها "الهي
ما يطلع عليك نهار" . .
الزوج: أنا عارف إنك هتتجوزي بعد ما أموت . .
الزوجة: لا طبعاً مش هيحصل . .

- الزوج: أنا متأكد أن ده هيحصل يا ترى هتخليه ينام على سريري؟!
الزوجة:
- الزوج: أنا من رأيي تغيروا العفش ده حتى بقى موضع قديمة . .
الزوجة: متقولش كده يا حبيبي . .
- الزوج: هتحبيه اكر مني؟
الزوجة: أنت ليه بيتقطع في قلبي؟
- الزوج: هتخليه يخوش مكتبي؟ أنا من رأيي تنسفوا مكتبي وتعملوا فيه
أي حاجة أنتوا عايزنها . .
- الزوجة: تبكي أو تتظاهر بالبكاء . .
- الزوج: هتخليه يلبس لبسي؟
الزوجة: لا طبعاً ده ارفع ميت مرة منك يا فيل . .
- ويعم السكون ويموت الزوج من الصدمة . .

"مش عيب اللحمة"

- الزبون: يا معلم اللحمة دي عجوزة . . وأنا كنت عايز لحمة صغيرة .
المعلم: ما هي دي لحمة صغيرة قوي .
- الزبون: إزاي . . دي بتفضل نص يوم على الغاز ولا بتستوي .
المعلم: لازم بقى الغاز هو اللي عجوز!!

"جيران فقراء"

السيدة: الجيران الجداد اللي جم في الشقة اللي قصادنا ناس فقرا
جداً . .

الصديقة: إزاي؟!

السيدة: كل ما نشحت منهم حاجة يقولوا ما عندناش!!

"أمبارح بس"

§ سأل القاضي المتهم: ليه اعتديت على زميلك بالضرب؟! . . المتهم:
لأنه شتمني من ستين وقال إني زي سيد قشطة . . القاضي: وإيه اللي
خلاك تسكت المدة دي كلها؟! . . المتهم: أصل ما رحتش جنيته
الحيوانات وشفّت سيد قشطة إلا أمبارح بس!!

"وصية كمبيوتر.. على فراش الموت"

§ كمبيوتر كبير . . تعب جداً من كثرة الإصلاحات . . وخلص قرر
صاحبه أن يشتري لاب توب صغيراً . . ويفكك الكبير ويبيعه . . فكتب
الكبير وصية لابنه . . وفي اليوم اللي الكمبيوتر الكبير حس إنه خصاص
هيفتك . . نادى على ابنه الكمبيوتر الصغير وقاله:

- مد ملفك على قدر ذاكرتك .

- برنامج الألف سطر يبدأ بأمر .

- من كثرة ملفاته قل نظامه .
- ذيل الماوس عمره ما يتعدل .
- لو تجري جري الوحوش غير الوندوز ما تحوش .
- اللي ما يعرف الكمبيوتر يقول عنه إتاري .
- أبعد عن الفيروس وغيله .
- يا هارد ما دخلك فيروس .
- ديسك حصانك . . إن صنته صانك .
- كل واحد يعمل إيميل على السيرفر اللي يريحك .
- ودى جهازك للصيانة ولوتسرق نصه .
- لا تعارني ولا أعيرك . . الويندز قارفني وقرفك .
- جالك الفيروس يا تارك النورتون .
- هذا الويندز من ذاكَ الدوس .
- الديسك اللي يتعبك فرمته .
- تفتكروا . . ماذا فعل الكمبيوتر الابن؟! عمل (شوت داون) وقعد
يعياااااط !

"رسالة غرام.. من إرهابي لحبيبتة"

§ تحية حب شديدة الأنفجار تنسف بيت أهلك وتقذفه ركاماً على بيوت
جيرانكم الأعزاء . . تحية غرام مدمرة تزلزل قلبك الحنون المفعم بمعاني
النسف والتفخيخ . . تحية هيام عنقودية إلى عينيك التي تشع بلهب
قذائف الهاون الدافئة في فصل الصيف . .
أما بعد . .

§ فهذه رسالتي الثامنة عشرة غير المفخخة لك خلال هذا الأسبوع
واعذرني على قلة الرسائل بسبب الظروف الأمنية الصعبة . . أرجو أن
تعلمي علم اليقين الذي لا تزلزله قصف (ال إف 16) بأنني لم أسمح
للعزال من الجواسيس والعملاء أن يفرقوا بيننا . . آه لو تعلمين يا
حبيبتي كيف نسفتي نياط قلبي بنظراتك المفخخة عندما رأيتك أول مرة
وأنت تزرعين عبوة ناسفة تحت سيارتي وتمرين . . لقد شعرت وقتها بأن
الله يجنبي لأنه نجاني من محاولة الاغتيال الرومانسية تلك . . صحيح إنني
نجوت من عبوتك الناسفة الرقيقة لكن نظراتك نجحت في اغتيال قلبي
وتفجيريه عن بُعد . . آه يا حبيبتي كيف لي أن أنساك وأنا أذكر أسنانك
الناصعة السحرية كلما رأيت شريط (بي كي سي) ناسف . . وأنا ملك
الرقيقة تمر طيفاً على خيالي كلما رأيت صواريخ قاذفة (أر بي جي)
وأذكر خدك المتورد كلما رأيت بقايا مدرعة ملطخة بالدماء . . ويشنف
أذى صوتك الدافئ الحنون كلما دوى قصف أو انفجار بالقرب من . .

آه يا حبيبتي كيف لي أن أعيش وسط كل هذه الأشياء التي تذكرني بك . . إلى متى ستظل نئن تحت قسوة أبيك ومخططاته التآمرية التي تصب في مصلحة دول أخرى . . أنا من جانبي سأشكل مليشيا من أصدقائي لمجابهة أبيك الظالم الذي جاء على ظهر دبابة . .

"مساعدة"

§ بعد أن رأى رجل البوليس سيدة في منتصف العمر تحاول يائسة أن تغير أحد إطارات سيارتها في منطقة شبه نائية قرر مساعدتها بنفسه . . وفي أقل من خمس عشرة دقيقة كان قد انجز العمل . . وهم بإنزال السيارة من فوق الرافع الذي استعان به . . وعندئذ سمعها تقول : أرجوك أفعّل ذلك برفق حتى لا تزعج زوجي النائم في السيارة!!

"لو أنت شاطر"

§ طالب في الجامعة وكانت إحدى المواد التي يدرسها عن الطيور . . المهم كان عدد الطلاب كثيراً ومدرس المادة مش عارف أسمائهم من كثرتهم . . والمادة دي مفيش فيها إلا اختبار واحد في آخر السنة . . يعني إذا نجحت في الاختبار تبقى عدت منها وإذا رسبت فيه لازم تعيد المادة . . في نهاية السنة وقبل الاختبار الطالب راجع وراجع لحد ما طلعت عينيه ودخل الامتحان وهو واثق مليون بالمية إنه جاهز

وهينجح . . في الاختبار أعطاهم الأستاذ سؤالاً واحداً بس . . في هذا السؤال وضع الأستاذ صوراً لأرجل بعض الطيور وطلب منهم معرفة أسماء الطيور من شكل رجولها . . صاحبنا لم يستطع حل السؤال ! . . قطع ورقة الأسئلة والإجابة وقام من الكرسي وراح للأستاذ قال له : المادة دي غبية وأنت أغبي الأستاذ شفته ثم مشي . . وقبل ما يطلع قال الأستاذ بغضب : أسمك إيه يا ولد؟! قام الطالب برفع ذيل بنطلون وكشف رجله وقال : لو أنت شاطر وأستاذ على حق أعرف أنا مين من شكل رجلي !!

"البادي أظلم"

§ كانت معركة حامية بين رجل وزوجته عندما مر بغل من تحت النافذة فصاح الزوج : اعتقد أن هذا البغل من أقاربك . . فأجابته على الفور : أجل إنه حميا !!

"البيانو"

§ بعد أن قطع العروسان أربعين كيلو من روما . . ونزلا من السيارة ليستقلا الباخرة التي اعتزما القيام في رحلا بحرية بها . . بكى العروس وقالت : آن لو كان البيانو معنا . . فسألها العريس : وما حاجتنا إلى البيانو الضخم في هذه النزهة؟! . . رد العروس : لقد نسيت عليه تذاكر الباخرة !!

"سبب المعرفة"

§ كان حسن أفندي راجعاً إلى بيته عندما اعترض سبيله رجل غريب قائلاً له : ممكن تسلفني 5 جنيهات؟! رد عليه : لكن أنا ما أعرفكش . . رد الرجل : ما هو عشان السبب ده أنا لجأت لك فكل اللي يعرفني مش راضي يسلفني!!

"الجاهلية.. دوت كوم.. وشات!"

§ ماذا يكون ماسنجر الجاهلية.. لو كانت تكنولوجياتنا موجودة أيامهم؟! أقرؤوا:

أبا جهل: مرحباً يا أبا لهب . .

أبا لهب: عمت مساء يا أبا جهل . . كيف حالك هذا المساء؟

أبا جهل: أين أنت يا أبا لهب لا أراك في (شات عكرمة) هذه الأيام؟

أبا لهب: أنا لم أبرح خيمتي منذ أيام .

أبا جهل: ولماذا؟

أبا لهب: تباً لكمبيوتري دخله فيروس من النوع الحبشي . . وضرب اللوحة الأم مع إنني وضعت له مقاوماً للفيروسات الحبشية . . ولكن تباً لهذا المقاوم . . فقامت بتغييره من عند وكالة (مسيلمّة الكذاب) . .

- أبا جهل:** لو أعلمتني لكنت أتيت معك لأنني أعرفه فهو من رجال
عشيرتنا . .
- أبا لهب:** ولكن قل لي . . هل سأل عني أحداً في (دار عكاظ كوفي
نت)؟
- أبا جهل:** ثكلتك أمك . . إن لك شعبية كبيرة يا أبا لهب . . سألت
عنك عبسة بنت جرير . . وجدناها أتت ببعيرها وتقول بأنها
قلقة عليك لأنك لم تفتح الماسنجر منذ أسبوعين . .
- أبا لهب:** عبسة بنت جرير تلك الفتاة الشمطاء . . تباً لها . . أنني
أكرهها . . قل لهم سأكون (أون لاين) . . بعد ما أنتهي من
الورشة لأن بها فرسي بأعمل لها (التشيك) . . وغبار
الزيت . . وكيف حال جهل أبلك يا أبا جهل؟
- أبا جهل:** آآه يا أبا لهب أكاد اجن منه . . البارحة أخذ فرسي خلصة
وكاد يرتكب حادثاً فظيماً . . ولكن ماذا سنفعل إنه مجرد ولد
طائش . . وأنت ما أخبار لهب معك؟
- أبا لهب:** لقد أرسلته إلى الجيش لكي يؤدي الخدمة الإلزامية ووضعنا
له واسطة لكي يكون بالقرب من مضاربنا . . واختصاصه
الرماح طويلة المدى . .
- أبا جهل:** حسناً حسناً يا صديقي . . أستأذنك لأنني سأذهب لأرد
على بعض المواضيع في متديات (قريش دوت كوم) .
- أبا لهب:** تشاو يا أبا جهل!!

"كشف الكذب"

- § بلدياتنا وأمريكي وياباني عرضوهم على جهاز كشف الكذب :
- الياباني : إحنا بنفكر نعمل إنسان آلي ونستغنى عن البشر . . راح الجهاز ضربه .
- الأمريكي : إحنا بنفكر نطلع المريح ونعمل مستوطنات عليه . . راح الجهاز ضربه .
- بلدياتنا : إحنا بنفكر "ولسه ماكمش" . . راح الجهاز ضربه!!

"عيال بيغشوا في الامتحان"

- § حوار بين فهد وولد عمه الندل منصور الملقب بأبو فيصل وهم في قاعة الامتحان . .
- فهد : أبو فيصل . . ابو فيصل . . بسسس!!
- أبو فيصل : هاااه . . عايز إيه بسرعة قول؟!
- فهد : جواب السؤال الرابع . . بسرعة بسرعة . .
- أبو فيصل : حرام . .
- فهد : وإيه الحرام . . بأقولك بسرعة وبلاش ندالة . .
- أبو فيصل : حرام . .
- فهد : حرام . . هاه؟! طيب والله لأوريك يا ندل . .
- بعدها بربع ساعة . .

- فهد :** السؤال السادس؟
- أبو فيصل:** (من غشنا فليس منا) . .
- فهد :** أنت صحيح ندل . .
- أبو فيصل:** (من غشنا فليس منا) . . " يقولها بل برود " .
- فهد :** عليا الطلاق لأجيب رقبتك في العيد . .
- أبو فيصل:** ياخي أنت غبي من غشنا فليس منا . .
- بعد انتهاء الامتحان**
- فهد :** تعال هنا أنا عايز أطلع عينك يا ندل . .
- أبو فيصل:** أي خدمة . .
- فهد :** أي خدمة؟! أنت بتستهيل وليك عين كمان . .
- أبو فيصل:** السؤال الرابع : أذكر الحكم الشرعي . . الجواب " حرام " ، والسؤال السادس : حق الأدلة . . الجواب " من غشنا فليس منا " ده امتحان دين يا غبي!!

"زوج غشاش"

- القاضي:** وعاوزه تتطلقي ليه؟
- السيدة:** لأنه غشني قبل ما نتجوز قال إنه مستقيم من الشغل للبيت .
- القاضي:** ودلوقتي يبسهر بره؟
- السيدة:** أيوه . . كل ما أخرج عايز يخرج معايا!!

"عائلة في منتهى الغباء!"

§ عائلة لها مواصفات خاصة . . فهمها بطيء جداً جداً . . الأب كتب

رسالة لابنه اللي بيدرس في الخارج . . وقال له :

ابني العزيز أنا بخير هنا وأتمنى أنك تكون بخير هناك . . أكتب هذه الرسالة ببطء لأنني أعرف أنك لا تستطيع القراءة بسرعة . . قرأت بالجريدة أن أكثر الحوادث المروية تقع على بعد 20 ميل من بيتنا عشان كدا انتقلنا لبيت جديد يبعد عن بيتنا القديم اللي تعرفه مسافة 20 ميل . . مش هاقدر أرسلك عنوان بيتنا الجديد عشان اللي اشترينا منه البيت أخذ العنوان معه لأنه لا يريد أن يغيره ، وإحنا في الأسبوع الجاري هنجيب عنوان بيتنا القديم عشان كده عنوان بيتنا مش هيتغير!! . .

الجو في المنطقة مش وحش مرتين الأسبوع اللي فات . . المرة الأولى فضلت تمطر ثلاثة أيام والمرة الثانية مطرت أربعة أيام . . أنا فتحت محل وسميته " متجرة الأقمشة الكهربائية لحلاقة الأحذية الغذائية " . .

أختك ولدت النهاردة الصبح بس مش عارف جابت ولد ولا بنت عشان كدا مش عارف أنت عايز تبقى خال ولا خالة!! . . خلاص يا ولدي مافيش حاجة جديدة وده كل اللي عندي دلوقتي . .

ملاحظة : يا وليدي كنت هابعت لك فلوس بس ما أفكرتش إلا بعد ما قفلت الظرف . .

"صاحب البيت"

الرجل المار: كل يوم تقف قدام البيت ده تشحت؟! أنا ح أخلي صاحب البيت يطردك . .
الشحاذ: ده أنا صاحب البيت . .

"الحب والجواز"

§ مرة واحد ماشي مع خطيبته وأخر انسجام فقالتها: "عارفة إيه هو الحب وإيه هو الجواز؟" . . فقالت له: "لا" . . فقال لها: "الحب زي النجوم الجميلة اللي في السماء" . . قالت له: "طب والجواز؟" . . قال لها: "دي البلاءة اللي وإحنا بنبص على النجوم بنقع فيها!!"

"مين يقدر على مكر دواء؟!"

§ يقال في أحد البلدان الأوروبية إنه حصلت حادثة بين سيارتين . . السيارة الأولى يسوقها رجل والثانية تسوقها سيده . . المهم . . السيارات راحت فيها يعني بقت خردة . .

الراجل والست طلعا من الحادث زي الشعرة من العجينة المهم طلعا من السيارة الاثنان وباركا لبعضهما سلامتهما من الحادث الأليم اللي الواحد يشوفه يقول أكيد فيه وفيات لا محالة . . جلسا يتكلمان مع بعضهما على جنب . .

قال الرجل للست : ما أحلى هذه الصدفة اللي جمعتنا في حادث أنا وأنتي . .

قالت السيدة : مع إنها حادث وراحت سيارتي لكنني سعيدة أنني لقيتك . . بعد شوية قالت السيدة : تصدق إن حظنا سعيد لأنني معي في السيارة إزازة خمر . . وقالت له : إيه رأيك نشرب ونفرفش؟ . . وبالطبع هما في موقع الحادث . .

قال الراجل : فكرة حلوة . . وأخذ الرجل الإزازة وقام يشرب . . يشرب . . حتى بقى شوية وتخلص الإزازة . . وقال للسيدة : أشربي شوية . . فقالت له : إذا شربت صرت غبية مثلك . . سيأتي الآن رجل المرور وسيلقاك سكران ويكون الغلط عليك فيه في الميه . .؟؟ وتصلح سيارتي غصب عن عينك . . يا فالح!!

"مواصفات الشباب.. لفتاة الأحلام"

- § أسأل أي عراف أو عرافة . . جرب بس تجيب سيرة المواصفات المهمة في البنات لكل شاب عايز يتجوز وناوي يدخل دنيا ويكمل نص دينه تقريباً هنا نندهش لما تكتشف أن كل المواصفات تقريباً واحدة عن شباب اليومين دول ودي عينة من المواصفات . . أياها :
- أهم حاجة تكون بتحب كلمة حاضر وتكره كلمة لأ . .
 - تكون مع خلاف مع أهلها وتحلف ما تدخل بيتهم بعد الجواز . .
 - على نياتها وتهز رأسها وتوافق على أي حاجة بقولها وما تجادلش . .

- متعلمة وياريت يكون معاها ليسانس أو بكالوريوس بس ما تشتغلش عشان تربي العيال وتشوف طلباتي!
- شعرها ناعم وما بتستعملش أي شامبو ولا بلسم . . توفير يعني . .
- يكون واحد من أخواتها فاضي عشان يخدمها ويشوف طلباتها . .
- ما عندهاش كحة ولا مشاكل في صدرها عشان تستحمل دخان جوزها . .
- يكون عندها عقدة نفسية من وسائل الاتصال بكل أنواعها . . من تليفون محمول والنت . .
- تحب البيت وتكره الخروج والفسح كره العمي!
- مفيش في عيلتها شباب وبنات على وش جواز . . مش ناقصة نقطة وهدايا . .
- يكون معاها دكتوراه في الهدوء والرومانسية . .
- يا حبذا لو كانت وراثة ومقطوعة من شجرة تبقى عروسة تفصيل بحق وحقيقي!

"تاريخ الانتهاء"

- § واحد متجوز وقاعد في البيت ويبص كثير في عقد الزواج . . مراته قالت له : بتبص في عقد الزواج ليه يا حبيبي؟ . . قال لها : مش عارف يا حبيبي المأذون كتب تاريخ انتهاء العقد فين؟!

"أقوال باسمة"

- × تكلم وأنت غاضب . . ستقول أعظم حديث حيث تندم عليه طوال حياتك!
- × إذا تشاجر كلبان على غنيمة تكون من نصيب الذئب الذي يأتي على النباح!
- × إذا كنت تخشى الوحدة فلا تتزوج!
- × فاتورة التليفون هي أبلغ دليل على أن الصمت أوفر بكثير من الكلام!
- × كل مأذون له شارب طويل ولحية أطول لكي يخفي ابتسامة الشماتة!
- × "التعري" في الشارع خلعة . . وعلى المسرح فن . . وعلى الشاطئ رياضة!
- × كل الأشياء تطول . . ما عدا "الفساتين" !!
- × الممثلة كلما كانت ملابسها "قصيرة" . . كلما كانت أدوارها في أي فيلم "طويلة" !
- × لا تحفر لأخيك حفرة حتى لا تتركها "البلدية" إلى الأبد!
- × إذا كنت موظفًا احترم من هو أكبر منك!! . . لأنه يكتب عنك "التقارير السنوية" . . ولا تحتقر من هو دونك لأنه قد يصبح مدبرك!!
- × الإرشادات الصحية الحديثة: نم مبكرًا قبل انقطاع "الكهرباء" !! واستيقظ مبكرًا قبل انقطاع "الماء" !!

- × نحن ندفع أجر الدروس الخصوصية ولكن أولادنا يتعلمون من بعضهم البعض!
- × أكبر غلطة هي أن تظل خائفاً من الوقوع في الخطأ . . !
- × الزواج أغلى طريقة لتكون لك زراير في قمصانك!
- × العقل وزير ناصح . . والهوى وكيل فاضح!
- × حتى صداقة الأعداء تخفف من وقع البلية!
- × الفساد كالقمامة يجب التخلص منها أولاً بأول . .
- × الحب كالأمراض المعدية . . كلما خفنا منه تعرضنا إليه!
- × الحب أعمى . . والزواج هو الذي يعيد إليه البصر!

"وعود"

- الزوجة: هل تعدني إنك تحبني حتى في سن الشيخوخة؟!
- الزوج: أعدك . . على شرط إنك لما تعجزي ما تكونيش شبه أمك . .

"بحكم المهنة"

- هي: يظهر أن جوزك مؤدب جداً . . كل كلمة يقول: أتفضلي يا هانم . .
- الصديقة: أبداً . . أصل دي صنعتة . . أصله بيع في محل!!

"الصلح خير"

الصديقة: إيه الحكاية؟ مش ناوية تصطلحي مع زوجك؟
الزوجة: ناوية . . بس لما أفكر خاصمته عشان إيه!!

"فائدة كبرى"

المريض: أخبرني يا دكتور . . هل صحيح أن الزائدة ليس لها أي فائدة للإنسان . .
الدكتور: إذا كان ليس لها أي فائدة للمريض ففيها فائدة كبرى لنا نحن الأطباء!!

"كل يوم من ده"

§ بلدياتنا أكتشف أنه بيتسرق كل يوم . . فاستنى الحرامي تحت بير السلم . . وأول ما شافه قال له: بخ . . فالحرامي اتخض!! راح قال له: كل يوم من ده يا كلب!!

"انتظار"

§ بلدياتنا اتحكم عليه بالمؤبد طلب في بداية المدة علبة سجائر . . وبعد 25 سنة فتحوا له فقال لهم: ها؟! جبتوا الكبريت!!

"الحل الأمثل"

بلدياتنا : قطعوا لي صباغي عشان أترنق في زجاجة حاجة ساقعة!!

صديقه : طب كانوا يكسروا الزجاجه!!

بلدياتنا : كان عليها رهن!!

"نسيان"

§ واحدة داخله على جوزها ولقيته بيخبط رأسه في الحيطه ويكسر في الحاجات . . فقالت له : فيه إيه يا عوضين؟! قال لها : أيوه . . عوضين . . عوضين!!

"تصنيع"

§ واحد بلدياتنا راح مصنع لتصنيع اللحوم . . فاندesh لطريقة الدبح وجد أن البقرة بتدخل من ناحية وتخرج من الناحية الثانية علب بلوبيف . . حب يعرف إيه اللي بيحصل جوه . . فدخل بدل البقرة . . طلع من الناحية الثانية أقفال صغيرة!!

"زوج وزوجة.. يكتبان مذكراتهما"

§ أقرؤوا هذه المذكرات . . فقد تعرفوا شيئاً جديداً عن المرأة . . أو بالأحرى عن الرجل!!

مذكراتها

الاثنين 2/14:

§ أثناء رجوعنا بالسيارة إلى المنزل لاحظت أن زوجي متوتر فسألته : هل هناك شيء يضايقك؟ فأجابني : بـ " لا شيء " ! . . فسألته إن كنت أنا سبب مضايقته؟ . . فقال لي : " الا أقلق فإن الأمر لا علاقة له بي " . . حاولت أن أتقرب منه أكثر لعلني أعرف ما به فأكيد هو أمر مهم الذي يشغله . . فقلت له : " أندري أنني أحبك الآن أكثر من ذي قبل فحبك يزيد كل يوم!! " . . فلم ينظر إلي بل ابتسم واستمر في القيادة وهو سارح!! . . عندما وصلنا المنزل ظننت أنني سأفقد . . أو شعرت إنه يتحاشاني تماماً . . فظل يشاهد التلفزيون وهو ساهم . . بدأ لي بعيداً جداً عني . . وأثار ذلك في نفسي الشعور بالخوف والقلق!! . . وفي النهاية ذهبت لأنام . . وبعد عشر دقائق أتى ورائي وذهب في النوم سريعاً!! . . بدأت دموعي في السقوط . . أو غلبنى النوم وأنا أبكي بحرقة وفكرة واحدة تسيطر على . . " . . أشعر إنه نسي حبي . . فواضح أن أفكاره وقلبه ليس معي . . لقد توقف عن حبي وأكداد أجزم أن هناك امرأة في حياته غيري! يا للكارثة لقد فقدت حبيبي!!

مذكراته

الاثنين 2/14:

§ تباً . . لقد خسرنا مباراة كرة القدم اليوم ولن تحصل على الكأس!

"لطف زائد"

الموظف: هل تسمح لي بالتغيب غداً لمساعدة زوجتي في تنظيف البيت؟
المدير: مستحيل . . لن أصرح لك بالغياب . .
الموظف: شكراً . . كنت أتوقع هذا اللطف الزائد منك!!

"واحد.. كان معاه جنيه"

- § مرة واحد كان معاه جنيه . . ففكر يعمل بيه إيه . . يشرب عصير قصب ولا يركب الأتوبيس . . قال : أنا لو ركبت الأتوبيس هيبقى في حل من اثنين : يا إما هقف أو هقعد . .
- § لو وقفت مش هيبقى في أي مشكلة . . لكن لو قعدت هيبقى في حل من اثنين : يا إما هيقعد جنبي راجل أو تتقعد جنبي ست . .
- § أنا لو قعدت بجانب راجل مفيش مشكلة . . لكن لو قعدت بجانب ست هيبقى فيه حل من الاثنين : إما هنعجب ببعض يا إما مش هنعجب ببعض . .
- § لو ما أعجناش ببعض مفيش مشكلة . . لكن لو أعجبنا ببعض هيبقى في حل من الاثنين : يا إما هنتجوز يا إما مش هنتجوز . .
- § لو ما اتجوزناش مفيش مشكلة . . لكن لو اتجوزنا هيبقى في حل من الاثنين : يا إما هنخلف يا إما مش هنخلف . .
- § لو مخلفناش مفيش مشكلة . . لكن لو خلفنا هيبقى في حل من الاثنين : يا إما هنخلف ولد أو بنت . .

- § لو خلفنا بنت مفيش مشكلة . . لكن لو خلفنا ولد هيبقى في حل من الاثنين : يا إما هيستقيم أو هينحرف . .
- § لو استقام مفيش مشكلة . . لكن لو انحرف هيبقى في حل من الاثنين : يا إما يدمن أو مش هيدمن . .
- § لو ما أدمنش مفيش مشكلة . . لكن لو أدمن هيبقى في حل من الاثنين : يا إما هيبقى معاه فلوس أو معهوش . .
- § لو كان معاه فلوس مفيش مشكلة . . لكن لو كان عايز فلوس هيبقى في حل من الاثنين : يا إما هيسرقني أو ه يقتلني . .
- § لو سرقني مفيش مشكلة . . لكن لو قتلني . . يقتلني ؟ !
- § لا يا عم أنا أشرب عصير قصب أحسن . .

"زي زمان"

مرة واحدة قالت لجوزها : "أهدي حببي كده وارجع زي زمان"
الراجل طلقها ورجع لأيام العذوبة !!

"حلم عمرها.. يا ترى كان إيه؟!"

- § خرجت من بيتها . . وهي تحلم بأن تجده . . طالما حلمت به . . لا تستطيع العيش بدونه . . منذ زمن وهي تبحث عنه . . وفجأة تسمرت قدماها . . لا تستطيع أن تصدق نفسها . . أخيراً وجدته . . لم تكن تعلم أن الحظ سيحالفها في ذلك اليوم . . لم يتغير شكله كثيراً عما

عهدته عليه من زمن ليس بالبعيد . . وجهه المستدير كوجه القمر . .
 طالما أحببت وعشقت هذا الوجه . . نظرت له صمت وهي تكاد تصرخ
 وترجوه ألا يبعد عنها ثانية . . ولكن ما هذا . . إنها ليست وحدها التي
 تعشقه لقد صار هناك الكثيرات غيرها واقعات في حبه . . ما كل هذا
 الكم الهائل من الفتيات والسيدات اللاتي تحاولن الوصول إليه وإلى
 قلبه . . ولكن هيهات أن أتركه لهن . . هذه المرة لن أدعه يهرب من
 يدي سأحارب من أجلي بعمرى كله . . سأنافس عليه حتى الوصول
 له . .

§ وها هو يداعب قلبها من بعيد بوجهه الذي أصبح ينافس نجوم
 السينما . . هل يا ترى ستنال مرادها ويجعل الله لها فيه قسمة ونصيباً . .
 ستفعل ما يمليه عليها قلبها . . وليقل القدر في النهاية كلمته . . ظلت
 على هذا من الصباح وحتى غروب الشمس تصارع من أجل حببيها . .
 وكانت مكافأة السماء لها . . هل هذا معقول . . هل هي حلم أم
 علم؟؟!!

§ إنها أخيراً أمامه وجهاً لوجه . . تنظر له وينظر لها . . الحمد والشكر لله
 لقد صار من نصيبها . . ونالت أخيراً مرادها وها هو بين يديها . .
 وأخيراً ستنقذ جوع بطنها برغيف عمرها . . وكما قال المثل (عض قلبي
 ولا تعض رغيفي . . إن قلبي على رغيف لضعيفي) . .

"مطلوب مقاول"

§ الدكتور للمريض : أنت في كليتك حصوة وفي معدتك ميه وفي دمك حديد . . فنهض المريض بسرعة . . فسأله الطبيب : رايح فين؟! . . قال : ح أدور بسرعة على مقاول البناء . .

"شغل زوجات"

الموظف : زوجتي طلبت مني أن أطلب منك زيادة مرتبي . .
صاحب العمل : عال . . وأنا سأطلب من زوجتي أن كانت تسمح بتلبية طلب زوجتك!!

"مين الأحمر؟"

الأول : يظهر أن أخوك صحته أحسن منك عشان أنت وشك أصفر وهو وشه أحمر . .
الثاني : بالعكس . . أنا أحمر منه بكثير!!

"كان زمان"

هي : بدمتك . . أنا باين على أن عمري 24 سنة؟
هو : زمان كان باين . . لكن دلوقتي لأ!!

"أهم ميزة"

- § عندما عاد الشاب من عمله إلى المنزل، سره أن رأى في زيارة أسرته عدد كبير من أقاربه . . وفي أثناء تناول العشاء قال لهم: يسرني أن أعلن أمامكم جميعاً أنني قررت الزواج بالفتاة "سونيا" - فhez الأب رأسه وقال: ولكنها لا تملك شيئاً . .
- وقالت الأم: وأيضاً . . ليست على درجة كبيرة من الجمال، بل أن جمالها أقل من المتوسط . .
- وقال الأخ: وفوق ذلك فإنها لا تعرف شيئاً عن الرياضة، وليس لها أية هواية!
- وقالت الأخت: وهي نحيلة جداً تشبه الهيكل العظمي وليس في جسمها أي تناسق . .
- وقال العم: وأعتقد أن نظرها ضعيف جداً حتى إنها لا تستطيع قراءة سطر واحد بغير نظارة . .
- وقالت الخالة: وملابسها تدل على فساد الذوق وسوء الاختيار . . إنها لو ظهرت بجانب زوجها في إحدى الحفلات لخلجته أمام أصدقائه ومعارفه . .
- وقالت الجدة: وهي لا تعرف كيف تستعمل أدوات الزينة، ولا أصول التجميل، ولذلك كثيراً ما تبدو وكأنها صبي مهممل يرتدي ثوباً نسائياً . .

- وقالت العمة : وفضلاً عن نحول جسدها فإن قدميها كبيرتان بشكل ملفت للنظر!!
- وهنا قال الشاب : كل هذا قد يكون صحيحاً . . ولكن لها ميزة رائعة لا مثيل لها . .
- فسأله أبوه : ترى ما هي هذه الميزة؟!
- فقال الشاب : ليس لها أهل مطلقاً يمكنهم أن يروا عيوبي مثل ما رأيتم من عيوبها!!

"يا بختك"

- الأول : عند أولاد؟!
- الثاني : أيوه . . ولد واحد . .
- الأول : بـروح القهوة أو النادي . .
- الثاني : لا . .
- الأول : يرجع متأخر بالليل؟
- الثاني : لا . . بينام بعد العشاء فوراً . .
- الأول : يا بختك بيه . . هو عمره كام؟!
- الثاني : عمره شهرين!!

"منذ أسبوع"

الزبون: ياليتني جئت إلى هنا منذ أسبوع . .
صاحب المطعم: أشكرك يا سيدي . . أنت تبالغ في المديح . .
الزبون: لا . . لا . . أعني أنني كنت افضل أكل هذا السمك في ذلك
الحين وهو صابح بدلاً من أكله الآن!!

"مقاطعة"

§ ذهبت امرأة إلى المحكمة تطلب الطلاق من زوجها لأنه لم يحدثها منذ
خمسة سنوات . . فقال له القاضي: لماذا لم تحدث هذه المرأة خلال خمس
سنوات؟ . . قال الزوج: لأنني لم أشأ أن أقاطعها يا سيدي!!

"حكم بالفصحى"

§ اتهم رجل بسرقة " حله " وحين قدم للمحاكمة راح يدافع عن نفسه
بالفصحى قائلاً: أنا أسرق الحله؟! كلا وألف كلا . . إن مثل هذه
التهمة عيب وعار ومزلة!! . . فقال القاضي على الفور: حكمت
عليك المحكمة بالسجن أربعة أهله . . واحد للنحوي . . وثلاثة لسرقة
الحله!!

"هي وهو"

هي: تضع مولودها بعملية قيصرية، وبعد أسبوع تجدها واقفة مقصوفة الظهر، وهي تحمل رضيعها بيد وباليده الأخرى تقلب الطبخة، وفي الوقت نفسه تعتني بأطفالها الآخرين تهيئهم للمدرسة، ترتب المنزل، وتحضر لزيارة أهل الزوج للعشاء.

هو: عند أول عطسة إيداناً ببدء نزلة برد عارضة تجده وقد لبسه الاكتئاب ويقعد في البيت ويأخذ إجازة مفتوحة من عمله يطلب لنفسه وجبات خاصة وأدوية خاصة ومعاملة خاصة ويتأفف ويتأوه ليلاً ونهاراً. . . و"بعد كل هذا يتهم الرجل المرأة بالدلع! . . .

هي: تتابع المسلسل بينما تتصفح مجلة، وتحل واجب الحساب مع ولدها، وتناقش زوجها في العملية الانتخابية، وترد على الهاتف لتهدئ أختها التي تشاجرت مع زوجها، وتؤنب ابنتها المراهقة على "طول لسانها" . . . فيما تتابع كل ما سبق بنفس التركيز . . . هو: يريد أن يقرأ خبراً إعلانياً في الجريدة . . . فيصرخ (سكوت . . . خلوني أركز) . . .

هي: تذهب لوظيفتها صباحاً، وتعود ظهراً لتحضير الغداء، وتذهب لاجتماع أولياء الأمور لتحدث مع المدرس عن وضع ابنها الدراسي، وتأخذ ابنتها لموعد الجلدية لحل المشكلة الأزلية (حب الشباب)، وفي طريق عودتها تمر على الجمعية وتحيب قمصان

جوزها من الصمبغة وتزور أمها خطفًا وتعود بوجه مبتسم وروح
مرحة لتكمل واجباتها الزوجية . .
هو: يذهب إلى عمله صباحاً . . يعود مكفهرًا غاضبًا لاعتنا مديره
والوظيفة والمرور . . يجد كل شيء جاهزاً . . يتغدى . . ينام . .
يقوم ليخرج إلى القهوة ويعود لتناول العشاء . . يشاهد التلفزيون
مركزاً على أي برنامج ينتهي بكلمة (أكاديمي) . . أخيراً يذهب إلى
فراشه وهو يقول: " أنتو ما بتحسوش بتعبي " . .

"تحليل دم"

§ قالت الزوجة لصديقتها: إن الدكتور رفض تحليل دم زوجي بأقل من
خمسین جنيهاً . . لم يدهشني ذلك إذ لا بد أن الدكتور مستقل دمه!!

"لبن الأم"

المدرسة: لبن الأم أحسن ولأ لبن البقرة؟!
التلميذة: لبن الأم طبعاً . .
المدرسة: ليه؟!
التلميذة: لأنه أسرع في الوصول للطفل ولأنه أنضف ولأن القطة مش
ممكن توصله أبداً!!

"أخيراً وصلت"

§ تقابل أحد هواة السينما مع صديق له . . فسأله الصديق :

- أنت لسة غاوي سينما؟!

- دي في دمي . .

- طب وعملت إيه؟!

- الحمد لله . . أخيراً وصلت للسينما . .

- مش معقول . . لكن وصلت إزاي؟!

- قطعت تذكرة وقعدت في الصالة!!

"اسم المدام على الموبايل"

§ بتحب مراتك قد إيه؟! طبعاً لو سألت السؤال ده لأي حد من أصحابك

المتجوزين ها يقولك . . طبعاً وهو أنا ليه غير المدام؟! ، وساعات

يقولك دي هي الحكومة . . لكن لو عايز تعرف هو قد إيه بيحب

مراته . . بص على الموبايل بتاعه وشوف كاتب اسمها إزاي . . دي عينة

بسيطة من أسماء الزوجات على موبايلات أزواجهن :

§ الأزواج الشباب هتلاقي أسماء زوجاتهم على الموبايل ما بين " My

love " إذا كان بيعبها أو " أجاثا كريستي " على أساس إنها دائماً

بتجسس عليه!!

§ الناس اللي بقى لهم كتير متجوزين وعندهم عيال دول أسماء زوجاتهم

ع الموبايل آخر مسخرة . . تلاقي واحد مسمي مراته " هات " على أساس إنها مش هاتطلبه غير لو طلبت حاجة!! ، وممكن يسميها " أم أحمد " على اسم ابنه البكري أو يسميها " الحكومة " أو ساعات يسميها " بوليس " ويحط ساعتها نغمة صوت دورية!!

§ فيه ناس تالته بتحب تدلع المدام يعني يقول مثلاً " لقمة القاضي " ، وده واحد أكيد بيموت في الحلويات والكنافة ، واحد تاني ممكن يسميها " نسيم الصباح " على أساسا يعني إنها النسمة الطرية في حياته ، ولو زعلت دي ممكن يسميها " هبوب الرياح " أو " أعاصير الغضب " ، والفئة دي من الناس حياتها الزوجية بالضبط ممكن وصفها بـ " فقاقيع الهواء " ، وعليه تختلف الأسماء حسب الحالة الجوية والنفسية للشخص وكل واحد ومزاجه وإحساسه نحو المدام!!

"لو زوجتك مدمنة كمبيوتر"

§ هناك الكثير من المشكلات التي ستقابلك إذا تزوجت مدمنة كمبيوتر وانترنت . . هل تعرف ما هي؟!

× ستضطر أن تضع صورتك الشخصية على الجهاز كخلفية حتى لا تنسى شكلك!

× ستستيقظ من نومك الساعة الخامسة صباحاً وتجدها تهذى جانبك بلغة HTML .

- × ستتكلم كثيراً عن بيل جيتس حتى تشك أن هناك علاقة بينهما!
- × طفلك سيرجع من المدرسة في أحد الأيام ويسألك "بابا . . بابا يعني إيه كلمة ماما؟" . . هذا أن كنت بطلاً ونجحت في الإنجاب منها!
- × سترفض زيارة والدتك لأنها لا تملك جهاز كمبيوتر في منزلها!
- × إذا استطعت في النهاية إقناعها أن تطبخ . . سترجع من العمل وتجهد المطبخ "محترق" لأنها أرادت أن تلقي نظرة على "الميل"!
- × سيقابلك زميلك في العمل ويشي على الشورت الأحمر الذي كنت ترتديه في منزل أمس وعندما ترجع سيكتشف أن زوجتك العزيزة تركت كاميرا الويب شغالة 24 ساعة يومياً . .
- × ستخلعك في النهاية لأنها أحبت صديقاً لها من كوالا لامبور عن طريق الشات . . وفي النهاية ستجد نفسك هائماً في الشوارع بشعر أشعث وأنت تغني بلغة JAVA.
- § وبعدين أحمدوا ربنا أن زوجاتكم لهن في اللت . . وليس لهن في النت!

"طول الوقت"

- § سأل أحد الصحفيين إحدى الممثلات: متى نعرف أن المرأة تكذب؟ فأجابت: إذا تحركت شفتاها!!

"الملافظ سعد"

§ بعد أن أتم أحد التجار المعروفين ببناء مدفن خاص له . . ودعا صديقه لمشاهدته . . ثم سأله عن رأيه فيه . . فقال : عظيم خالص . . ربنا يجعله عامر !!

"قالوا.. عن المرأة"

- فتاة اليوم إذا تزينت فتنت . . وإذا ابتسمت سرحت . . وإذا طبخت قتلت !
- لا تتفاخرين بأنك تجيدين الطهو . . فهذا دليل قاطع على أنك قد تجاوزتي الثلاثين .
- يقوم المأذون أحياناً بدور جندي المطافئ الذي يخمد نيران الحب !
- الشبه بين النساء والصحف . . كلاهما ينشر الأخبار وإنما ذهب !
- يلزم الرجل عشر سنوات لترويض امرأة في حين تستطيع المرأة أن تروضه بابتسامة واحدة . .
- المرأة كالنحلة . . تعطيك العسل لكنها تلسعك . .
- اللص يدع لك مجالاً للخيار بين حياتك ومحفظتك . . إما الزوجة فتطالب بهما معاً !
- ماضي المرأة كبئر البترول . . فحذار من أن تبحث فيه ويبيدك مصباح وإلا أنفجر !!
- الزواج : مأدبة كبيرة تقدم الحلوى أولاً . .

- اللي يشوف زوجة غيره تهون عليه زوجته . .
- ليس زواج الحب إلا نهاية مؤسفة لبداية سعيدة . .
- ليس الخطوبة إلا فترة تمنح العروس فرصة للبحث عن عريس أفضل . .
- أحبب زوجتك كما تحب زوجة جارك . .
- أحسن طريقة لتجعل المرأة تغير رأيها هو أن توافق عليه!
- تظل المرأة في سن العشرين حتى آخر لحظة من حياتها . .
- لا تطعن في ذوق زوجتك . . فقد اختارتك أولاً!
- ثلاثة أصناف من البشر لا يستطيعون فهم المرأة . . الأطفال والشباب والشيوخ . .
- من يتزوج امرأة لأجل جمالها كمن يشتري بيتاً لجمال طلاء الواجهة!
- تتحدث الفتاة للشباب قبل الزواج بقلبها وبعده بلسانها . .
- المرأة العاقلة . . تضع السكر في كل ما تقوله للرجل وتنزع الملح من أي شيء يقوله الرجل لها . .
- في عروض الأزياء تستعرض المرأة أناقتها . . ويستعرض الرجل حافظته نقوده .
- يقول الرجل في المرأة ما يريد . . وتفعل المرأة في الرجل ما تريد!
- وراء كل عظيم امرأة خصوصاً لو كانت محفظته في جيبه الخلفي!
- الست زي الأخطبوط . . جمجمة واحدة كبيرة و8 دراعات . .
- الست زي شاحن الموبايل . . معظم الوقت مالهاش لازمة بس ف لحظة بتبقى كل حاجة . .

- الست زي أنبوبة الأوكسجين . . المليانة مفيدة جداً والفاضية أكيد هاتموتك . .
- اسمه شهر " العسل " لأنه به تعويضاً مبكراً عن " مرارة " سوف تسود حياتك . .
- الست زي الريموت . . طول ماهيا في إيدك تقدر تسيطر على كل حاجة براحتك . .
- الست زي الحلاق . . تضحك على الأفرع بطقطة المقص . .
- الست زي البرغوت . . ما تحسش بيه غير لما يقرصك . .
- الست زي البندقية . . كل ما تبعد عنها تبقى بعدت عن جريمة ممكن تركبها في لحظة طيش . .
- من يبحث عن امرأة لا تكذب فلن يجدها . .
- إن أقبح رجل في عين المرأة أجمل من جميلات جنسها . .
- المرأة كالقطة الوديمة . . إذا عاكستها نشبت أظافرها في جسدك . .
- المرأة ذاكرتها قوية جداً لدرجة إنها تحكي لك ما حدث وما لم يحدث . .
- المرأة محظوظة جداً فليست مضطرة إلى الزواج من امرأة أخرى . .
- المرأة تساعدك على تحقيق شيء عظيم ثم تغار منك فتمنعك من تحقيقه .
- امرأة واحدة لا تكفي لتكون أسعد الناس ولكن امرأة واحدة تكفي لتكون اتعسهم . .
- الستات والزجاج دائماً في خطر . .

"رسالة من شاب إلى فتاته"

لقد آن الأوان لكي أبوك لك بما يحتاج فكري وقلبي . . وهو تكسير
الحواجز التي بيننا . . أعرف أن هذه الأفكار بنفس الوقت قد تدور في
رأسك ، ولكن لا بد أن تفهمي جيداً أنني لا أريد ولا أتمنى لك سوى
أن تكوني معي وإلى جانبي إلى الأبد . فالحياة التي أعيشها بدونك كأنها
جهنم الحمراء . . صدقيني ذلك إحساسي فهل تلبين طلبي وتخلعين
عنك هذه الأفكار البالية ولنبداً معاً صفحة جديدة وتبدلي الهموم كما تبدلين
عباتك حتى يراك الناس كما أنت على حقيقتك . . أما أنا فأريد أن أقطع
جميع علاقاتي السابقة مع الجنس اللطيف وكل ما أتمنى أن يكون على
يديك لارتاح ويرتاح قلبي ، ولكي أزداد شجاعة وقوة واستطيع اقتلاع
الحزن الذي ملكين ، وأتعبني فلا تصدقي إلا ما ترينه من خلال
عينيك ، ولا تتعجبي فتلك هي رغبتني في الدنيا وحقاً أقول أن وجهك
نور أضاء ظلمات حياتي النعيسة التي كانت - بدون مبالغة - بدونك
بؤس وشؤم ، وكلما نظرت إليك وتكلمت معك كان كلامك وصوتك
كالموسيقى التي تعزف أحلى الألحان حتى ظننت أن باقي الأصوات
نهيق وعواء!! ، ولا أنسى ذلك اليوم الذي عرفتك فيه فقد كان يوم
ولادتي من جديد في هذه الدنيا ، وعمري الذي مضى بدونك كان
ملعوناً وثقيلاً . . فصدقيني هذه هي الحقيقة أقولها بكل صراحة . .

حتى الآن تبدو لك هذه الرسالة طبيعية ولكن لو عرفت أن مرسلها كتب في آخرها ملاحظة تقول : " الرجاء قراءة سطر وترك سطر حتى تفهم الرسالة " فلن تكون طبيعية أبداً بالعامية تنقلب إلى شيء آخر !!

"ملوخية"

§ القاضي وهو يحكم على أفراد عائلة ملوخية :

- محمد ملوخية 100 جنيه - حسن ملوخية 200 جنيه

- مصطفى ملوخية 300 جنيه - حسين ملوخية 300 جنيه

- وأنت ياللي هناك اسمك إيه؟ فقال له : اسمي علي " بامية " . . فقال

القاضي : اسمعني أخواتك كلهم ملوخية وأنت لوحدك بامية؟ فقال

له : شوفتك نازل فيهم " خرط " . . قلت يا واد مادام العبارة كده

" اتقمع " !!

"الفرق بينك وبين مديريك"

§ إذا أخذت وقتاً طويلاً في عمل ما فأنت بطيء . . لكن إذا أخذ رئيسك

وقتاً طويلاً في ذلك فهو دقيق في شغله . .

§ إذا لم تعمل ما كلفت به فأنت كسول ، لكن إذا لم يعمل رئيسك ما

كلف به فهو مشغول قوي قوي . .

§ إذا عملت خطأ فأنت أبله . . لكن إذا عمل رئيسك خطأ فهو بشر

عادي .

- § إذا كنت في إجازة مرضية فأنت دائماً تمارض . . لكن إذا كان رئيسك في إجازة مرضية بالتأكيد إنه مريض جداً يعني عادي بقدر يأخذ إجازة من عيادة خاصة أو حتى ع التليفون . .
- § إذت ألتخذت موقفاً ما فأنت أرفع . . لكن إذا عمله رئيسك فهو حازم .
- § إذا أسعدت رئيسك فأنت متملق . . ولكن إذا رئيسك أسعد رئيسه فهو متعاون . .
- § إذا عملت شيئاً ما بدون أن تكلف به فأنت متجاوز صليحاتك . . أما إذا عمل رئيسك نفس الشيء فهي مبادرة . .
- § إذا خرجت من مكتبك بالتأكيد إنك صايع في الخارج . . أما إذا فعل رئيسك نفس الشيء فهو في مهمة عمل . .
- § إذا أغمضت عينيك فأنت نائم . . إما إذا أغمض رئيسك عينيه فهو يفر في طرق تطوير العمل . . بصارحة عن جد ربنا يقويه ويعينه عليك . .

"أياك أن تستنشر زوجتك"

- § إياك أن تأخذ رأي زوجتك في شيء . . لأن خسارتك ستتضاعف ، وقرأ قصة الملك :
- كان أحد الملوك يحب أكل السمك . . فجاءه يوماً صياد ومعه سمكة كبيرة . . أهداها للملك ووضعها بين يديه . . فأعجبته . . فأمر له بأربعة آلاف درهم . . فقالت له زوجته : بسئ ما صنعت . . فقال

الملك : لما ؟ فقالت : لأنك إذا أعطيت بعد لأحد من حشمك هذا القدر . . قال : قد أعطاني عطية مثل عطية الصياد ، فقال : لقد صدقت ، ولكن يقبح الملوكة أن يرجعوا في هباتهم . . وقد فات الأمر . . فقالت له زوجته : أنا أدبر هذا الحال . . فقال : وكيف ذلك ؟ فقالت : تدعو الصياد وتقول له : هذه السمكة ذكر هي أم أنثى ؟ فإن قال ذكر فقل إنما طلبت أنثى . . وإن قال أنثى ، قل إنما طلبت ذكراً ، فنودى على الصياد فعاد ، وكان الصياد ذا ذكاء وفطنة ، فقال له الملك : هذه السمكة ذكر ولا أنثى ؟! فقال الصياد : هذه خنثى . . لا ذكر ولا أنثى . . فضحك الملك من كلامه وأمر له بأربعة آلاف درهم ، وضعها في جراب كان معه ، وحملها على عنقه . . وهم بالخروج . . فوقع من الجراب درهم واحد . . فوضع الصياد الجراب عن كاهله . . وانحنى على الدرهم فأخذه . . والملك وزوجته ينظران إليه . . فقالت زوجة الملك : أرايت خسة هذا الرجل وسفالته سقط منه درهم واحد . . وانحنى على الدرهم فأخذه ، ولم يسهل عليه أن يتركه . . ليأخذه غلام من غلمان الملك . . فغضب الملك منه وقال لزوجته : صدقت !

- أمر الملك بإعادة الصياد وقال له : يا ساقط الهمة ، لست بإنسان ، وضعت هذا المال عن عنقك ، لأجل درهم واحد ، واسفت أن تتركه في مكانه ؟ . . فقال الصياد : أطال الله بقاءك أيها الملك . . أنني لم أرفع هذا الدرهم لخطره عندي ، وإنما رفعته عن الأرض لأن على وجهه

صورة الملك ، وعلى الوجه الآخر اسم الملك . . فخشيت أن يأتي غيري بغير علم ، ويضع عليه قدميه . . فيكون هذا استخفافاً باسم الملك ، وأكون أنا المؤاخذ بهذا ، فعجب الملك من كلامه واستحسن ما ذكره ، فأمر له بأربعة آلاف درهم للمرة الثالثة ، عاد الصياد ومعه أثنا عشر ألف درهم . . وأمر الملك منادياً ينادي : لا يتدبر أحد برأي النساء . . فإنه من تدبر برأيهن فسوف يحسر ثلاثة أضعاف دراهمه !!

"مسكينة القطعة"

§ دخل الزوج على زوجته فوجدها حزينة مكتئبة فسألها عن السبب قالت : النهاردة القطعة سهنتي وأكلت الفطير اللي عملته . . قالها : ولا تزعلي . . بكرة أجيب لك قطعة تانية !!

"ما عنديش"

التلميذ : عندك كتب هندسية وكتب تربية ؟!
صاحب المكتبة : عندي هندسية لكن ما عنديش تربية !!

"ورينا بقى"

§ قال الطفل لأمه مداعباً : لو كسرت فنجان . . تعملي فيا إيه ؟ . . قالت : اكس رقبتك . . قال : طيب أهو بابا كسر فنجان أتفضلي وريني شطارتك !!

"بأمر الدكتور"

الأول : لماذا تسرق الملاعق من المائدة وتضعها في جيبيك؟!
الثاني : لأن الدكتور أمرني أن أخذ ثلاث ملاعق بعد الأكل . .

"من أين تأتي"

§ بينما كان الرجل وزوجته يتجولان في مول تجاري ضخم . . تاهت عنه زوجته ولم يستطع أن يجدها وسط الزحام . . وفجأة رأى امرأة جميلة فتقدم منها وقال لها : هل تسمحين لي بالحديث معك ولو دقيقة واحدة؟! . . فقالت له : لماذا؟! . . فرد عليها لأنني بمجرد أن أتحدث إلى أي امرأة جميلة أجد زوجتي أمامي ولا أعلم من أين تأتي!!

"تفسير الأحلام"

§ استيقظت امرأة ذات يوم وهي تقول لزوجها : اليوم عيد الحب وقد حلمت بأنك أهديتني قلادة ذهبية مرصعة بالماس . . ما معنى هذا الحلم؟! . . فقال لها زوجها : في المساء سوف تعرفين . . وعندما أتى المساء وجدت زوجها يحمل علبة انيقة وأعطاهما لها بمناسبة عيد الحب . . وعندما فتحتها وجدت كتاباً مكتوباً عليه " تفسير الأحلام "!!

"التدريب المستمر"

§ أخذ رب البيت البخيل يعرض الكلب الذي اشتراه حديثاً على زائره . .
ويزعم إنه دربه على ألعاب وحيل كثيرة فأجادها . . ومن ذلك إنه
يعرف أن يخبئ النقود في مكان لا يعرفه غيره . . ثم طلب إلى الضيف أن
يجربه ويعطيه جنية ففعل الضيف وقدم جنية للكلب . . فتناوله هذا بفمه
واختفى عن الأنظار ثم عاد بدونه . . فسر الضيف وقال لمضيفه البخيل :
قل له . . يرجع الجنيه . . فأجاب : والله لسة ما علمتهوش يرجعه !!

"السنة الأولى وبعد عشر سنين جواز"

§ السنة الأولى:

- الصبح . . تودع زوجها وهو طالع للعمل وتقول له بالسلامة يا حبيبي .
- الظهر . . تتصل بيه في العمل وتقول له حبيت اسمع صوتك بس يا عمري .
- العصر . . تستقبله وهي بتضحك وتبوسه وهو داخل للبيت وتقول الغدا جاهز يا حياتي . . تحب تاكل دلوقتي؟
- قبل المغرب . . تصحيه من النوم ببوسة وتقول له أعمل لك شاي يا حبيبي؟
- المغرب . . تسبل عيونها وتقول بكل خجل يا ريت يا حبيبي . . يعني

- لو مش تعبان . . توديني لبيت أهلي إذا كنت تقدر يا عمري ولو مش قادر خلاص مش لازم . . وطبعاً يضيع هو في نظرة من عيونها ويوديتها لأهلها ولو كانوا ساكنين في آخر الدنيا .
- الساعة 8 بالليل . . تتصل على الموبايل وتقوله : اشتقت لك يا عمري . . ياريت تيجي تاخدني للبيت . .
- الساعة 10 بالليل . . تجلس في حضنه وتقول : الله يا حبي فاكر أيام الخطوبة لما كنت تعمل المستحيل عشان تشوفي . . وأنا أد إيه كنت باقى سعيدة لما باشوفك يا عيوني . .
- § بعد مرور 10 سنوات.. تعالوا شوفوا:
- الصبح . . هي في سابع نومه .
- الظهر . . هي برضه في سابع نومه .
- العصر . . تستقبله وهي عاقدة حواجبها وتقول شوف لي حل مع ابنك ده . . لحد دلوقتي ما عملش الواجب . . والهانم بنتك قعطت مريلة المدرسة . . أديني فلوس لازم أروح اشتري لها واحدة غيرها .
- العصر . . تفك خناقة بين الولد والبنت . . تفضل تزعق وتدعي عليهم بجميع الأمراض الخطيرة الحديث منها والقديم .
- المغرب . . هو جالس يشرب الشاي وهي تقول : عايزة أروح لأمي عشان عندها بنت خالة جد ابن عم أبويا . . وبعدين نروح نشتري مريلة للبنت وبعدين بنت عمي والددة ولازم أروح اشتري لها هدية وبعدين وديني لأختي من زمان ما شفتهاش !

- الساعة 8 بالليل . . تتصل على الموبايل أنت فين وبعدين مش بترد على بسرعة ليه؟ تعالى بسرعة خدني عشان نروح .
- الساعة 10 بالليل . . جالسين هو وهي بيتفرجوا على التلفزيون . .
أخيراً هدوء والعيال نايمين والجو جميل . . وفجأت تبصله وهي مادة بوزها وتقول : إيه الحركات اللي أمك وأختك بيعملوها معايا دي عازمين الجيران وكل زوجات أخواتك إلا أنا؟ . . والله لأعمل عزومة ومش هاعزمهم . . بعدين بنات عمك مالهم طالعين فيها كده ليه؟ على إيه يعني . . على جمالهم اللي مافيش زيه والله إيه؟! تسكت شوية ثم تقول : وبعدين أختك بتقول أن ابنك يشبهني ومش يشبهك قصدها إيه . . يعني عشان وحش شوية عايز تنسبه لي مش ليك؟ . . أنت ساكت مش بترد عليا ليه؟ . . عايزاني أقول إيه يعني يا بنت الحلال؟ . . تقول وهي بتبكي خلاص مش عايزة منك حاجة!
- الساعة 11 بالليل . . هي زعلانة ونائمة مع العيال . . وهو بيتحسر على اليوم اللي اتجوز فيه!!

"باردة"

§ قال القارئ لرئيس التحرير في إحدى المجلات : أرجوك أنك تنشر لي النكتة دي في باب الفكاهات بالمجلة . . وبعد أن قرأها رئيس التحرير قال للقارئ: بس دي نكتة باردة . . فقال القارئ: وماله أنشرها في الصيف!!

"راحة"

§ كان الحديث يدور حول ضرورة الراحة . فقال الأول : أنا بأرتاح من 3 إلى 5 بعد الظهر يومياً . فقال الثاني : يعني بتنام؟! فأجاب الأول : لأ . زوجتي هي اللي بتنام!!

"اعتذار"

§ قالت الزوجة لزوجها عند عودته من عمله : لقد زارنا عمك اليوم . ومن الغريب إنه توهمني الخادمة . فلم يسعه إلا أنه اعتذر . قال الزوج : وهل قبلت الخادمة إعتذاره؟!

"خيال واسع"

§ هذه الشهادة تفيد بأنك سكرتيرة . لماذا اخبرتيني بأنك كنت رئيسة السكرتيرات؟! أجابت : لأن سيادتك قلت لي أنت محتاج لموظفة ذات خيال واسع!!

"ثمن الحرق"

§ صاحبة المنزل المفروش : اسمع يا حضرة فيه حرق سيجارة في قماش الكنبه . ولا بد إنك تدفع ثمن القماش اللي حرقته .

- § المستأجر : طيب ده أنا ما بأشربش سجائر . . أدفع إزاي؟
§ صاحبة المنزل : هو أنت احسن من اللي قبلك . . كل واحد سكن هنا
دفع ثمن الحرق ده من غير ما يتكلم!!

"أيام زمان"

جلس العجوزان في الجنية ودار بينهما الحديث البعكوكي التالي :
الأول : الدنيا يا صاحبي اتقل خيرها . . إمبراح بتاع الفراخ يديني
عصفورة موقعها من على الشجرة قدامي ويقوللي دي فرخة
بلدي . . فين أيام زمان لما كان جوز الفراخ ثلاث فردات والكفتة
بالمتر والبيضة اد بيضة الديناصور . .
الثاني : إيه فكرتني بالذي مضى . . أيام ما كان الراجل مناخيره بتلات
خروم وبقه لو فتحته تلاقي اثنين بيتخانقوا جواه ولا قفاه لو
ركب له عواميد نور العربيات تمشي عليه .

"لسانك حصانك"

الطفلة : تنت . . هو أنتي عندك مصنع حداده؟!
الضيقة : لا يا حبييتي . . لكن ليه بتسألني؟
الطفلة : أصل ماما دايماً تقول أن لسانك زي المبرد . .

"هجوم"

§ أقام أحد الضباط وليمة كبيرة لجنود فرقته وقال لهم : أهاجموا على الأكل بلا شفقة ولا رحمة زي ما بتهجموا على الأعداء!! ، وبعد الانتهاء من الأكل وضع أحد الجنود عدداً من البرتقالات في جيبه فسأله الضابط : ليه عملت كده؟! . . قال الجندي : إحنا قتلنا الأعداء . . ودول الأسرى!!

"ندم"

الضابط : أنتي ندمانة عشان ضربتي الخدامة؟!
السيدة : طبعاً لأن الشمسية اللي كسرتها عليها كانت غالية جداً . .

"لما يخرج"

§ قالت عاملة التليفون لزوجة مدير الشركة الذي قبض عليه البوليس فذهب حيث السجن : المدير لسة خارج من مكتبة يا هانم . . تقدري تتصلي بيه بعد 15 سنة!!

"رجل واحدة"

الربون : الفرخة دي برجل واحدة ليه يا جرسون؟

الجرسون: أصلها انكسرت في خناقة فراخ يا بيه . .
الزبون: طب خد دي وهات الفرخة اللي كسبت !!

"سقوط"

المدرس: ليه ورق الشجر يسقط في الخريف؟!
التلميذ: لأنه ما بيذاكرش من أول الربيع !!

"اتنين كيلو موز"

السيدة: إزاي ابتعت لك الخدمة عشان تديها اتنين كيلو موز وبعدين
أوزنهم ألاقهم كيلو ونص بس؟
الفكهاني: كان الأحسن توزني الخدمة . .

"باقي المقال"

§ **الصحفي للخدمة** وهو يشير إلى زوجته: شوفتي ستك سكتت ليه . .
خليها تكمل زعيق عشان أكمل مقال "جنة الزواج" !!

"أنتي عارفة"

السيدة: أنا عاوزة أعرف مين اللي كسر الصحن ده حتيتين؟!

الخادمة: والله مش أنا يا ستي . . أنتي عارفه لما بأكسر صحن بأكسره
ميت حتة!!

"جنازة"

السائح: أنت مش بتقول أن البلد دي ماحدش بيموت فيها . . أمال
الجنازة دي إيه؟!
الترجمان: دي جنازة الحانوتي اللي مات من الجوع!!

"العيد وحماتي"

الأول: فاضل على العيد خمس أيام . . ناوي تقضيه فيه؟
الثاني: والله حماتي جت النهاردة من البلد . . يمكن أقضيه في السجن!!

"صباح الدماغ"

§ جماعة حشاشين قاعدينم في غرزة قالوا: عايزين كبريت . . واحد منهم
قال: أنا أجبلكم الكبريت . . طلع ودخل من الباب الثاني قال: يا
جماعة ألاقي عندكم كبريت؟! . . قالوله: استريح . . لسة باعتين واحد
أول ما يرجع نديلك تولع!!

"سعادة البية المدير عامل إيه النهار؟"

§ تخيل إنك تعمل مع مديرين . . أحدهما عربي . . والآخر غربي . . كيف يكون مزاجه . . ورأيك فيه . . وهو عامل إيه النهاردة؟! فكانت هذه النتيجة .

المدير العربي	المدير الغربي
يسعى لتثبيت قدمه في الشركة .	يسعى لتثبيت قدم الشركة .
لا يعرف يعني إيه آدمية .	يحترم آدمية الموظف .
يبدأ كلامه بجملة " أنا قررت " .	يبدأ كلامه بجملة " أنا اعتقد " .
تتفانى في مدحه يريقك .	تتفانى في العمل يريقك .
يضع لك خطة تناسب مع خياله . .	يضع لك خطة تناسب مع قدراتك .
يثق في نفسه .	يثق فيك .
يتحدث معك بوقاحة .	يتحدث معك بصراحة .
مسموح لك تمدح فيه .	مسموح لك أن تستكيه
يدفعك إلى الاستقالة .	يناقشك إذا طلبت الاستقالة .
يعاملك حسب حالته المزاجية .	يعاملك حسب حالتك النفسية .
يوم مر . . يوم أمر .	يوم حلو . . يوم مر .
يثير أعصابك .	يثير أفكارك .

يمسك أعصابه إذا اختلفت معه .	يمسك في زمامة رقبتك إذا فكرت الاختلاف .
يطور أفكارك وينسبها لك .	يسرق أفكارك وينسبها لنفسه .
تطلب من إجازة .	تترجى منه إجازة .
يهنتك بالعيد .	يطلب منك العمل في العيد .
ينتظر سماع رأيك في العمل .	ينتظر سماع رأيك فيه .
يجيب مكاسب من أجلك .	يجيب أجلك !

"حاجة صح"

التلميذ : تاريخ النهاردة إيه يا أستاذ؟!

المدرس : مش مهم . . اكتب حل الامتحان وبس . .

التلميذ : أرجوك يا أستاذ . . قول تاريخ النهاردة لأنني على الأقل عايز

اكتب حاجة صح . .

"واحد غبي.. ح يكتب إيه لحبيته؟!"

§ بسم الحب الفاشل والكاذب أقول أحبك يا ذات الرداء الأصفر . .

أحبك كما يحب الإنسان الفجل . . من كثرة حبي لك بطني انفجر . . يا

من عيونك أشبه بعيون البقر . . وخديك كالليمون إذا انعصر . .

وشعرك كالدجاج إذا انتشر . . أحبك يا ذات الشعر الأجدد والعيون
 الحولاء . . ووجهك أشبه بلون الحرباء . . وفمك أكبر من بئر الماء . .
 وصوتك كصوت قطرة جرباء . . ومن كثرة حبي لك يا سيدتي
 العرجاء . . سأنتحر بمسدس الماء باسم الحب . . تقولين أنني
 مجهول؟ . . فأعود وأقول أنني أعشق شكل جسدك المعلول . . ولسانك
 المشلول . . أحبك كما أحب أكل الفول مع البصل . . كما يهوى الفأر
 العيش في الحقول . . يا من نعومة خديك كشوك الصبار . . وعيناك أشبه
 بعيون الحمار . . وشعرك منتصب لا يهزه الأعصار . . وصورتك أشبه
 بصورة البوم على الأشجار . . وأنفك طوله ثلاثة أمتار . . وشفتيك
 بلون الشحار . . وأذنيك كالرادار!!

"الأرانب والجزر"

§ واحد عنده مزرعة أرانب ، وجاره عنده مزرعة جزر . . كل يوم الأرانب
 تروح تأكل الجزر ، فراح يشتكي صاحب مزرعة الأرانب فقالوا معلش
 مش هتحصل تاني . . تاني يوم حصل نفس الموضوع . . تالت يوم
 الراجل اتحنق ، راح مسك الأرانب وكسر لهم أسنانهم . . اليوم اللي
 بعده ملقاش الجزر برضة . . فراح للأرانب وقال لهم: عملتوا في الجزر
 إيه وستانكم مكسرة؟! قالوا: عملناه عصير!!

"يا واد يا تقيل"

§ واحدة ست تحينة قوي قوي مش عارفين يوزنوها عشان الميزان كل مرة ينكسر . . جابوا أحدث ميزان من بره وقالوا خلاص هنعرف وزنها . . بعد ما طلعت على الميزان . . الميزان خرج ورقة مكتوب عليها لو سمحتوا يا جماعة واحد واحد بالدور !!

"زمن الانتظار"

§ اخرج الراكب بطاقة اشتراك المترو لقاطع التذاكر بعد أن نظر فيها . . وقال له : لكن هذا اشتراك مدرسي لطفل عمره ست سنوات . . فرد الراكب : الحمد لله إنك عرفت الآن كم مضى على من زمن في انتظار ركوب هذا المترو !!

"ذكاء"

§ وجد صاحب المحل الصغير نفسه محاط بمحلين كبيرين وقد كتب على المحل الأول : "أكبر محل في البلد" وعلى المحل الآخر : "أكبر محلات المدينة" . . وفكر صاحب المحل الصغير . . ثم كتب على محله : "المدخل الرئيسي" !!

"الحق نعم"

الزوج: هل القانون يعطي الزوج الحق في فتح خطابات زوجته؟
صديقه: طبعاً. . ولكنه لا يعطيه الشجاعة الكافية!!

"عند اللزوم"

الصديقة: يا ترى زوجك بيطلعك على حالته المادية؟
الزوجة: بيطلعني عليها كل ما أطلب منه فلوس بس!!

"لا داعي للإزعاج"

الأب: النونو مش عارف لغاية دلوقتي إني أبوه. . لازم نفهمه. .
الأم: لما يكبر نفهمه. . مش ضروري نزعجه من دلوقتي!!

"سماعة جديدة"

الطفل: أنت سعيد يا جدي بالسماعة الجديدة؟
الجد: هي جميلة. . لكن خلّتنّي أبدلّ وصيتي مرتين!!

"سبب الطرد"

الزوجة: معقول المكاول يطردك عشان قالب طوب وقع منك؟
الزوج: معقول جداً. . لأن القالب وقع على دماغه!!

"إزاي ده حصل؟"

§ مرة واحد معاه عربية سيات ماشي في الشارع فوقف في إشارة جنب عربية مرسيدس . . صاحب العربية السيات يقول لصاحب العربية المرسيدس لو سمحت بس ممكن استعمل مكنة البيسي بتاعتك؟! أصل الماكنة في عربيتي باظت . .

§ صاحب المرسيدس استغرب كده وتنح وحالته بقت صعبة . . وقال : إيبه أنت عندك مكنة بيسي في العربية؟! صاحب السيات قاله : أيوه طبعاً أنت معندكش ولا إيه . . هاهاها . . أنت غلبان أوي لسة معملوش في المرسيدس أكيد . .

§ بتاع المرسيدس أتضايق أوي أوي . . وراح لتوكيل الشركة قالهم حطولي مكنة بيسي في العربية . . قالوا له مينفعش . . إزاي؟! قالهم مليش دعو حطوها وبس . .

§ المهم ضبطوله العربية وحطوله مكنة حاجة ساقعة . . صاحب المرسيدس بقى فرحان وراح يدور على صاحب السيات عشان يغيظه ويقول له أنا ركبت مكنة بيسي . . وعمال يدور عليه فين وفين لما لقاه في إشارة . . صاحب المرسيدس خبط على إزاز العربية السيات . . خبط تاني . . وعمال يخبط ومحدث راضي يطلع . . لحد ما فين وفين بقى لما بتاع السيات طلعه رأسه كده وقاله عايز إيه؟! . .

§ صاحب المرسيدس قاله : شفت . . مش أنا ركبت مكنة بيسي في العربية . . صاحب السيات : يعني أنت مطلعني من الحمام عشان تقولي أنا ركبت مكنة!!

"عشر شمعات"

الأم: غداً عيد ميلادك . . تريد أن أضع لك 10 سمعات على التورتة؟
الطفل: أنني أفضل 10 تورتات عليها شمعة واحدة!!

"الطاعون"

§ انتشر وباء الطاعون في بلدة . . فجلس رجل يعد الموتى في الكوز . .
كلما مات واحد وضع قطعة حجر في الكوز . . فعد أول يوم خمسون . .
والثاني ثلاثمائة . . ومر أحد الرجال الذي اعتاد رؤيته كل يوم . . فلم
يجده . . بل وجد ابنه . . فسأله: يا بني أين أباك؟! فقال الغلام: في
الكوز!!

"حياة تاجر المخدرات"

§ لما تسأله عن أحواله . . يقول "مسطولة" . . يشتري عفش بيته من أي
"مزاج" علني . . أفضل أفلامه "الكيف" و"الباطنية" . . "مدمن"
مشاهد أفلام المخدرات . . يحب من الفواكه "الشمام" . . لما سألناه عن
السياسة . . قال: عايزة "دماغ" راقية!!

"حياة طبيب القلب"

§ دقيق في عمله . . لم يرتكب "جلطة" في حياته . . يتعامل مع كل

الزبائن بـ "قلب مفتوح" . . برنامج المفضل "ساعة لقلبك" . . لو
سألته عن الحب . . يقول لك: "شريان" الحياة . . أغانيه المضلة أغنية
"القلب" يعشق كل جميل ، وأغنية "كل دقة في قلبي" . . لما سألوه عن
السياسة قال: "نبض" الحياة!!

"حياة فسخاني"

§ يخزن ملابسه في "صناديق خشبية" . . يـ "شم" ريحة الزبون من بعيد . .
أحب الأعياد إلى قلبه "شم النسيم" . . يحب يصيف في مرسى
"بطروخ" . . إن "دلع" ولا نزل برضه فسخاني . . يحب السفر -
وأحلى الجزر اللي زارها - جزيرة "سردينا"!!

"حياة طبيب العيون"

§ يحب يسمع أي موال ويقول ياليل يا "عين" . . أغنية المفضلة: "حكيم
عيون" و "داري العيون" . . عيادته في شارع قصر "العيني" وجماته
ساكنه في "عين" الصيرة . . يعشق تناول "البصر" الأخضر مع
العدس . . يفضل شرب "المياه البيضاء" أكثر من "المياه الزرقاء" . . لما
سألوه عن السياسة قال: محتاجة "بعد نظر"!!

"حياة مدرس الجغرافيا"

§ له ولد اسمه عاصم ، وبنت اسمها "عاصمة" . . رياضي ويهوى لعبة " الكرة الأرضية " . . حياته العاطفية " دافئة " صيفاً " باردة " شتاءً . . يحرص على أن تكون هناك " مساحة " من الاحترام بينه وبين زوجته . . يهتم بـ " تضاريس " المرأة . . لما سأله عن السياسة قال : " متقلبة دائماً ، ومبلدة بالغيوم أحياناً " !!

"حكاية السباك"

§ اشتهر بأنه راجل " جلده " ولسانه دائماً " خلاط " ، وإنه " مسلك " أموره كويس . . جاله بنتين توأم سماهم " سيفون " و " حنفية " . . يفتخر بأنه هو الي " سلك " " حوض " النيل من " انسد " العالي . . يصرف فلوسه " صرف " صحي ، وكان ما يلعب طاولة يجيب " دش " . .

"حكاية لبّان"

§ (الباني بعد يومين) الأغنية المفضلة لعبد اللبان ، ويطلب إهداءها على خطيبته (كريمة) ويعدّها بزيارة لجنيّة الحيوانات ليبارك زواجها السيد (قشطة) ويشكرها على الغدا . . الذي طبخته له أمس ويقول لها تسلم (الزبادي) ، وللعلم الخطيبين قـ(رايب) . . ويقول لها أدبي إحنا (جنبه) العفش بـ " القسط " والنجار (أدونى) بعد ما دفعت كل (سمنه) وهو

راجل (حليينا) وفي الختام يقول (اللبان) لخطيبته (كريمة): أنا (مليك)
إيديكي . .

"أشهر الـ(أروح)"

- | | |
|---------------------|-------------------------------|
| § أروح إسكندرية . . | أروح في شربة ميه . . |
| § أروح في داهية . . | أروح في حديد . . |
| § أروح ساكت . . | أروح لاعن أبو خاشك . . |
| § أروح ضاربك قلم | أروح معيط . . |
| § أروح وياك . . | أروح ماطرح ما أروح مالکش دعوة |

"وصلة للخياط"

- § من توحة أم لسانين إلى الأسطى (سراجة) (الخياط) . . نهارك أسود
و(مدلدل) على عينك يا أسطى (مازوره) يا (متر وربع) يا (محق)
وملنزقز . يا عديم (الذوق والموضة) يا (عروة) التريزية . . يا ترزي
(التصليح والمرمات) من بعد ما (تتمكن) من الشقة بتاعتي تعملها
(غرزة) وكمان ما تدفعش الأجرة؟! بس فالح أنت وشوية (البطانة)
المقاطيع بتوعك تعاكسوا في بنات الحيران وتعملوا حركات (نص
كوم) . . وأكلمك بالذوق تتهجم عليا وتمسك لي (مقص) . . طب
لازم تسيب البيت وتوريني (عرض اكتافك) يا أغسلك و(أكويك)
و(أفردك) واخلي قفاك زي (القماش العرض عرضين) . .

"حكاية كهربائي"

§ واحد "كهربائي" شاف مراته "نجفة" واقفة أمام "سلك عريان" "اتكهرب" اعتبر ذلك "ماس بشعوره قال لها أنا مش "فولت" ميت مرة تتحشمي؟ ابنهم الصغير صحي على الخناقة قعد يعيط ويقول "وات . . وات" رجع صالحها ولما أراد أن يبوسها "وقف على خشبة" . .

"قيس وليلى العصر الحديث"

§ المكان: خيمة مكيفة في 6 أكتوبر . . المشهد: ليلي قاعدة على الأرض بتلعب في اللاب توب . . يدخل قيس . .

ليلى: قيس ابن عمي عندنا . . يا مرحبا . . يا مرحبا . .

قيس: كم جئت إليك بأسباب ملفقة . . ما كان أكثر أسبابي وعلاتي .

ليلى: ما تتكلم عربي ياخي!

قيس: حلوتك بالعجوة . . أبوكي فين يا قمر؟!

ليلى: في السايبر!

قيس: يعني إحنا هنا لوحدهنا؟

ليلى: والشيطان صايع!

قيس: بس عمري ما فكرت أعمل كده معاكي . .

ليلى: ليه ما أشبهش البنات ولا إيه يا ابن عمي؟

قيس: مش العبارة . . بس . .

- ليلي:** و حياة أبويا يا قيس لو ما اتعدلت معايا لكون مولعة في الخيمة
بتاعتك بصفيحة بنزين 90 مش 80 كمان!
- قيس:** إهدي يالوله . . مش كده . . خليك عاقلة زي زمان .
(هنا يدخل الأب فجأة)
- الأب:** قيس هنا مع ليلي . . في الخيمة . . وامصيتاه . . فلتمطري
بطاطس شيبسي أيتها السماء! . . أنت بتعمل إيه هنا ياد يا
قيس؟!
- قيس:** ولا حاجة يا عمي . . أنا كنت جايك عشان تيجي تصلح لنا
السيفون . .
- ليلي:** إيه اللي جابك بدري يا بابا . . مش قولت ها تقعد ساعتين؟
- الأب:** انت فصل . . كويس عشان أشوف الفضيحة بنفسي . .
- قيس:** فضيحة إيه يا عمي . . مش تخليك لارج كده . .
- الأب:** بلا نيلة . . أنت لازم تكتب على ليلي قبل الضمان بتاعها ما
يخلص . .
- قيس:** وأنت برضه ترضى لابن أخوك البهدلة دي . . كنت فاكرك
عبدالوارث عسر طلع استيفان روستي . . يا راجل .
- الأب:** خلاص يا قيس أنا ليا صرفة مع أبوك هاشتكيه بوصلات الأمانة
في المحكمة يا الحبس يا تتجوز ليلي أنت حر!
- قيس:** منك لله يا ظالم . . منك لله . . مبسوبة طبعاً يا هانم . .
- ليلي:** يا أخي اتنيل . . ده أنا كنت عايزة أسافر اتجوز الواد الأسباني
اللي بحبه على النت!
- قيس:** كمان بتأمرني . . وأه ليلاه!!

"مصطفة"

§ بلدياتنا: عندك تليفزيون ملّون؟! .. البائع: آيوه .. بلدياتنا: طيب أديني واحد أخضر ..

"غش"

§ اتنين بالدياتنا بيلعبوا رفة بالأبرة .. سن ولا فتحة؟! الأول قال الثاني: سن .. الثاني قال له: لع .. أنت شايفها!!

"احترام"

§ جلس الرجل العجوز في قطار المترو وهو يلعن شباب هذه الأيام الذي لا يحترمون السيدات ولا يقفون ويتركون مقاعدهم لهم .. وهنا سأله الجالس بجواره: طيب وأنت ايه اللي مزعلك .. أنت مش قاعد ومبسوط وفي أمان الله؟ فأجاب قائلاً: نعم إنما الست بتاعتي واقفة!!

"استهبال"

§ واحد اسمه "شلبي" كان مسافر بلاد بره، فراح محطة القطر . وطبعاً هناك النظام آخر تمام . فراح داخل في مكنة التذاكر يحط الفلوس وتنزل له التذكرة، فراح حط الفلوس والتذكرة نزلت له، والمكنة راحت قالت

له : مرحباً بالأستاذ شلبي سوف تتركب القطار 26 وسيصل الساعة واحدة . . هو سمع كده وعجبته الحكاية فضل يحط فلوس والمكنة تعيد . . يحط في فلوس والمكنة تعيد . . لحد آخر مرة حط فلوس . . راحت المكنة قالت له : الأستاذ شلبي فضل يستهبل لحد القطر ما فاتة !!

"أبيض × أبيض"

الرجل : مراتي ما بترتاحش إلا إذا كان لون البيت "أبيض × أبيض" .
صديقه : أنت محظوظ . . أنا مراتي ما بترتاحش إلا إذا كان جيبي (أبيض × أبيض)!!

"صوت متقطع"

الأول : ليه الصوت خارج من البيانو متقطع؟
الثاني : لأن صاحبه اشتراه بالتقسيط!!

"كلة قديم"

بتاع الروباييكيا : عندكيش هدوم قديمة . . قمصان قديمة . . جزم قديمة للبيع؟
السيدة : أمال الراجل جوزي يلبس إيه؟!

"دلع"

§ بلدياتنا سافر أوروبا، وفي الطريق قابل واحدة شقراء زي القمر،
أعجبها سماره فقالت له بدلع : بوسني . . أجابها : لأ مصري!!

"السبب"

§ قال الزبون لبائع المسدسات : هذا المسدس صغير لكنه مناسب . . لأن
السبب الذي سوف انتحر من أجله سبب تافه!!

"دكتور بركة"

الأول : أنا حماتي عيانة قوي . .
الثاني : ح أقولك على دكتور إيده كلها بركة ما تخدش منه يومين اتنين
بالعدد . .

"طالب"

§ الخطيب : أنا يا عمي طالب القرب منك . . والد خطيبته : أمال ليه يا
ابني قالوا إنك طالب جامعي؟!
